

女
科
經
論

女科經綸卷五

襦李蕭 媯賡六纂著

男

陳與權聖用

男

銓律黃

全校

陳士奎煥文 張鴻遠麟友

沈德敷日巖 吳桂允舒秀

王祚昌平川 黃金綬爾錫

今叅訂

沈廷翰維馨 陳奇猷爾卿

產後證上

臨產將息之法

婦人良方曰：妊娠至臨月，當安神定慮，時常步履，不可多睡飽食，過飲酒醴雜藥。欲產時，不可多人喧闐惶惶。若見漿水、腰間痛甚，是胎已離經，方用藥催生坐草，不可早服催生藥，早坐草，慎之。

加產調護用藥之法

薛立齋曰：欲產時，覺腹內轉動，卽當正身仰臥，待兒轉身向下，時作痛，試捏產母手中指中節，或本節跳動，方臨盆卽產。若初覺不可仰臥，以待轉胞，或未產而水頻下，此胞衣已破，血水先乾，必有逆生難產之患。若胞衣破，不得分娩，用保生無憂散以

固其血如血已耗損八珍湯加益母草濃煎時飲之凡孕婦止
腹痛未產也連腰痛者將產也腎候于腰胞繫于腎故也凡孕
有生息不順宜囑穩安只說未產或過雙胎只說胞衣恐驚則
氣散愈難生息大抵難產多患鬱悶安佚富貴之家治法雖云
胎前順氣產後補血不可專執若脾胃不實氣血不充宜預調
而之。

臨產預備必用之藥

婦人良方曰花蓋石散爲血入胞衣脹大不能下或惡露上攻
佛手散治血虛危證加味芎歸湯入龜板治交骨不開草薢子

治胎衣不下失笑散治惡露腹痛不醒人事雨油調滑石塗入
產門爲滑胎之聖藥清魂散治血暈諸證平胃散朴硝水銀爲
腐化死胎之劑皆爲臨產時緊要之藥也若氣血虛損以八珍
十全湯加減

臨產腹痛宜辨弄胎試胎二候

便產須知曰臨月或腹痛或作或止或一二日三五日胎水已
來腹痛無已時名曰弄胎非當產也又有一月前忽然腹痛如
欲便生名曰試胎非當產也凡腹痛胎水來與不來但不妨事
但當寬心候時若果當生痛極不已腰間重脹穀道挺併柴水

淋下其兒遂生蓋產自有時如菓熟香飄瓜熟蒂落是也

慎齋按已上四條序臨產時有將息調護之法有預備必用之藥若弄胎試胎一條亦臨產或有之事不可愴惶鹵莽反致有害也

○難產由于安逸氣滯

大。全。良。方。曰。婦。人。以。血。為。主。性。氣。順。則。血。和。胎。安。則。產。順。今。富。貴。之。家。過。于。安。逸。以。致。氣。滯。而。胎。不。轉。或。為。交。合。使。精。血。聚。于。胞。中。皆。致。難。產。也。

○難產由于恐懼氣結

許叔微曰。有產累日不下。服催生藥不驗。此必坐草太早。心懼而氣結不行也。經云。恐則氣下。恐則怯。怯則上焦閉。閉則氣還。還則下焦脹。氣乃不行。得紫蘇飲一服便產。

○難產由于胞中敗血壅滯

郭稽中曰。產難者。因兒轉身。將兒枕血破碎。與胞中敗血壅滯。兒身不能便利。是以難產。急服勝金散。消其血。則兒易生矣。

○難產由于胞破血乾

陳無擇曰。難產多因兒未轉順。坐草太早。或努力太過。以致胞衣破而血水乾。產路滯而兒難下。宜先服催生如神散。以固其

難產由于妊孕房事不謹

虞天民曰。或問丹溪所謂難產之婦。多是八九個月內。不能謹慎。以致氣血虛故也。其旨何與。曰。婦人有娠。不宜與丈夫同寢。今人未諳此理。至八九月內。猶有房室。夫情慾一動。氣血隨耗。胎孕全賴氣血培養。氣血既虧。則胎息羸弱。日月既足。卽欲分娩。拆胞求路而出。胞破之後。胞中漿水沛然下流。胎息強健者。卽隨漿而下。此爲易產。胎息倦弱者。轉頭遲慢。不能隨漿而出。胞漿既乾。汚血閉塞。生路子無所向。遂致橫生逆產。急服催

生。氣。逐。去。惡。血。道。路。通。達。疾。速。產。也。

慎齋按已上五條。序臨產時有難產之患也。難產之由。在平時。則有安佚氣滯。有心恐氣結。有房室不謹。在將產。則有敗血壅滯。有胞漿乾涸。大要不外此數證。

治難產胞漿乾令通上下之氣

大全曰。胞漿先破。惡水來多。胎乾不得下。先與四物補養氣血。次煎濃葱湯。令穩婆洗產戶。令氣上下通暢。更用酥油滑石塗產門。次服神妙乳砂丹。或葵子如聖散。

治難產以順氣和血為主

女科正宗曰難產有因母氣血盛胎肥而難產者有因母氣弱
血枯泄而難產者。悉是平時下善調攝。或七八月犯房室致污
濁凝滯不得順生。大法以順氣和血爲主。如漿乾不下者滋潤
爲主。汚血阻滯者逐瘀爲主。如坐草用力早。胞水乾者滑胎散
申應散連進大劑。如魚得水自順矣。

治產難子歿腹中不見下法

陳良甫曰產難子歿腹中者多因驚動太早。或觸犯禁忌。致令
產難胞漿已破。無血養胎。枯涸而歿。故也。須驗產母之舌。若舌
青黑者。其胎已歿。當下之。平胃散加朴硝。

薛立齋曰。若胎死服朴硝下穢水。肢體倦怠。氣息奄奄。急用四君子爲主。佐以四物。加姜桂調補之。慎齋按。已上三條。序治難產之大法也。難產治法。或開滑子宮。或通上下之氣。或滋養氣血。當隨機應變。若胎死腹中。惟有下法。下後當從立齋之論。爲要。不可不知。

交骨不開。產門不開。子宮不收。三證

薛立齋曰。三者皆由元氣素弱。胎前失于調理。致氣血不能運。而然交骨不開者。陰血虛也。佛手散。加龜板。產門不開者。氣血也。十全大補湯。加五味子。收之。子宮不收者。補中益氣。加醋。

炒白芍五味如。產。腫脹痛而不閉者加味道遙散。若腫既消而不閉者補中湯加半百蒸苓以健脾使元氣復而諸疾自愈。切忌寒涼之劑。又曰交骨不開者陰氣虛也。龜爲至陰板則交錯相解。故用之。又有開骨膏。明乳香一兩。五月五日研細者。血爲丸。如雞豆大。朱砂爲衣。加味佛手散送下。

單養賢曰。產後見此三證。總服生化湯。如交骨不開。加龜板一枚。

盤腸生

便產須知曰。盤腸生者。臨產子腸先出。然後產子。則腸不收。名

日盛腸產穩。以醋水各半盞。默噴產婦之面。腸卽收上。又古
方用草蓀子仁四十九粒。研塗產母頭頂。腸卽收上。急洗去其
腸。若乾不收。以磨刀水少許。溫潤之。若以水噴而恐驚。則氣散
愈難收也。腸乾者。濃煎苧苳湯。浸其腸于漆盤中。溫暖熏之。卽
回。

李太素按盤腸生。是必母氣血虛弱。因而下脫。當用補氣補
血之藥。兼以升提。則腸自收矣。大劑參芩。加升麻。

慎齋按。已上二條。序交骨不開。盤腸生。是難產中之見證也。
難產不止此二證。橫逆產法在穩婆妙手。其用藥亦不外後。

條諸法

寒月凍產宜燂

楊子建曰、凍產者、冬月天冷、產母經血得冷、則凝、致見不能下、此害最溼、故冬月產者、下部不可脫去綿衣、并不可坐臥寒處、使滿房圍爐、常有煖氣、令產母背身向火、臍下腿膝間常煖、血得熱則散、見易生也。

夏月熱產宜涼

楊子建曰、熱產者、盛夏之月、產婦要溫涼得所、不可恣意取涼、傷損胎氣、不可人多、熱氣逼襲、產母心煩熱、血沸騰、有驚、耳沖

量之患

慎齋按楊子建。有十產論。俱不可不知。但八條。悉屬產母與
穩婆之事。故不盡錄。其凍產熱產二條。惟在醫者用藥。調護
因節取之。予謂古方臨產用藥最多。丹溪云。只用佛手散。最
穩當。又效捷。後清吳養賢產寶新書。有生化湯一方。為產後
加減。今當以二方為主。如寒月凍產。多加肉桂乳香。夏丹熱
產。多加辰砂益元散。均用童便半盞。沖人人參。量產婦元氣
虛實多寡加之可也。

催生藥宜助氣血為主

楊子建曰。催生者言欲產時兒頭至產門方服藥催之。或經日
久產母困倦難生宜服藥以助血氣令兒速生也。

催生大法

大全曰。大法滑以流通。滯澁苦以驅逐。閉塞香以開竅。逐血氣
滯者行氣。胞漿先破血乾者固血。

慎齋按。大全云。滑以流通。澁滯者如車前、滑石、鳳仙子、蜀葵
子、蘇油、香油、白蜜、牛乳、豬脂之屬皆滑劑也。苦以驅逐。閉塞
者如桃仁、乾姜、赤芍、厚朴、朴硝、大黃之屬皆苦劑也。香以開
竅者如乳香、麝香、白芷、肉桂之屬皆香劑也。氣滯則香附、枳

穀陳皮烏藥青皮皆順氣之劑也。血乾則當歸川芎益母紅
花丹參之屬皆固血之劑也。

催生用藥諸方

女科正宗曰，催生多用滑利迅速之藥。古方有兔腦、蛇蛻、筆尖、
弩牙、急性子之類，皆一時妙用。惟佛手散爲至當不易。至如手
握石、燕足、貼草蓀、子道、乾澁，則用葵子、榆白皮、豬脂、葱油、蜜牛
乳以潤之。天寒風冷，使氣血凝滯，則用乳香、射香之類，以香能
開竅逐污也。

慎齋按：已上三條，序催生用藥之大略也。催生古方甚多有

不甚穩者概刪之。

產後脈

叔和曰產後寸口洪疾不調者死，沉微附骨不絕者生。又曰沉小滑者生，實大堅弦急者死。

朱丹溪曰胎前脈當洪數，既產而脈仍洪數者死。又曰胎前脈小產後脈洪大者多死。

產後之脈貴虛

產後之脈貴虛。胎前之病其脈貴寔，產後之病其脈貴虛。胎前則順氣安胎，產後則扶虛消瘀，此其要也。

產脈辨生死之法

脈要曰欲產之脈必見離經或沉細而滑夜半覺痛來朝目中必煥新產之脈緩滑爲吉若寔大弦急近乎無胃凶危之候或寸口澁疾不調惡證立見惟宜沉細附骨不絕雖劇無恙

潘碩甫曰臨產氣血動盪胎胞迸裂與常經離異必有水先下俗謂之胞漿養胎之液也水下則胞裂而產及已產氣血兩虛脈宜緩滑緩則舒徐不因氣奪而急促滑則流利不因血去而枯澁均吉兆也若寔大弦牢非產後氣血兩虛所宜寔爲邪寔大爲邪進弦爲陰斂宣布不能牢爲堅着皆相逆

之脈也

慎齋按已上三條序新產之脈有吉凶之別也婦人良方自臨產將息一條至此序難產催生用藥立齋云產難既明須知產後疾病因遵良方之法序產後諸證于下

新產下有調理之法

大全曰凡產畢欲熱童便一盞不得便臥宜閉目而坐須臾上床宜仰坐不宜側坐宜豎膝不宜伸足高倚床頭厚鋪褥褥遮圍四壁使無孔隙免致賊風以醋塗鼻或用醋炭更燒漆器頻以手從心撥至臍下以防血暈血逆如此三日不問腹痛不痛

以童便和酒溫服五七次，酒雖行血亦不可多，恐引血入四肢，能令血暈，宜類食白粥，漸食羊肉猪蹄少許，仍慎言語七情，寒暑梳頭洗足，以百日爲度。若氣血素弱者，不計月日，否則患手足腰腿痠痛等證，名曰蓐勞，最難治療。初產時不可問是男是女，恐因言語而泄氣，或以愛憎而動氣，皆能致病。不可獨宿，恐致虛驚，不可刮舌，恐傷心氣，不可刷牙，恐致血逆，須氣血平復，方可治事。犯時微若秋毫，成病重如山嶽，可不戒哉。

慎齋按已上一條序新產下調理之法，古人垂誠周詳，後人守此調護，安有產後諸疾。此在人事，宜慎，非醫者所有事也。

新產婦人有三病

張仲景曰問新產婦人有三病一者病瘧二者病鬱冒三者大便難何謂也師曰新產血虛多汗出喜中風故令病瘧亡血復汗寒多故令鬱冒亡津液胃燥故大便難

產後十二癥病

于金方曰婦人產後十二癥病帶下無子皆是風冷寒氣或產後未滿百日胞絡惡血未盡便利于懸圃及久坐寒溼入胞裏結在小腹牢痛積聚小如雞子大者如拳按之跳手隱隱然或如虫嚙或如針刺氣時搶心兩脇支滿不能食食飲不消

產後十八證

大全曰產後十八證一曰因熱病胎死腹中二曰難產三曰胞衣不下四曰血暈五曰口乾心悶六曰乍寒乍熱七曰虛痛八曰乍見鬼神九曰月內不語十曰腹痛泄瀉十一曰遍身疼痛十二曰血崩十三曰血氣不通咳嗽十四曰寒熱心痛月候不來十六曰口鼻黑氣及鼻衄十七曰喉中氣喘急上二證俱不治十八曰中風

產後危證有三冲三急

張飛疇曰產後諸證非行血則邪不去卽諸虛證亦須血行其

氣乃復第行之有方不可過峻凡產後危證莫如三冲三急三冲者敗血冲肺冲心冲胃也三急者新產之嘔吐泄瀉多汗也其用藥則有三禁佛手散以川芎能發汗也禁四物湯以地黃能作瀉也禁小柴胡湯以黃芩能阻惡露也然皆產後常法設有風寒發熱喘脹下痢危急證候亦將守此致令坐斃乎古人未嘗不用汗下不用寒涼而暴病勢緊不得不猛治者下手稍緩畏縮逡巡去生便遠惟病氣久衰者非但不可峻攻亦不可峻補必緩劑輕劑以俟胃氣之復耳

產後諸證其源有三

方約之曰。產後之證多端。其源有三。曰血虛。火動。曰敗血妄行。曰飲食過傷。何以明之。氣屬陽。血屬陰。產後去血過多。血虛火動。爲煩躁發熱之類。一也。虛火上載。敗血妄行。爲頭暈腹痛之類。二也。經云。少火生氣。壯火食氣。東垣云。火爲元氣之賊。產後火傷元氣。脾胃虛弱。若飲食過傷。爲痞滿泄瀉之類。三也。治法血虛火動。則補之。敗血妄行。則散之。飲食過傷。則消之。但人元氣有虛實。疾病有淺深。治療有難易。又不可一概論也。

慎齋按。已上五條。序婦人新產後有諸證之變現也。產後見證多端。仲景下三條。其大略也。約之一條。尤切要。而產後犯

之者衆但云壯火食氣產後火傷元氣致脾胃虛弱飲食過傷爲痞瀉證夫產後之火虛乎寔乎况痞滿泄瀉亦不專主壯火爲害也立論不能無弊

產後戒食湯

孫真人曰產後七日內惡血未盡不可服湯候臍下塊散乃進肉湯有痛甚者不在此例候二三日消息可服澤蘭丸

產後戒飲酒

產寶曰纔產不得與酒緣酒引血迸入四肢產母臟腑方虛不
禁酒力熱酒入腹必致昏悶不可多飲時呷少許可以避風邪

養氣血下惡露行乳汁也。

。產後戒服童便

胎產須知曰：新產後童便不宜亂服。大全云：產畢可飲熱童便一盞，卸一熱字，或與藥同服，或與酒同服。童便有益陰降火之功。無寒涼凝滯之患。則童便不宜單服，明矣。况童便必擇清白無臭味者佳。若黃濁不堪，則氣既混雜，味亦腥羶。此時產母氣血已虛，胃氣甚薄，飲之必至嘔惡泄瀉，非徒無益而反害之。

。產後戒食雞子膠鹽

朱丹溪曰：初產之婦將護之法，不可失宜。肉汁發陰之經，火易

歲內傷先哲具有訓戒何以羊雞濃汁作糜服之乎若鬼初產母腹頓克便啖雞子且吃夥鹽不思雞子難化夥鹽發熱必須却去夥鹽諸肉食與白粥將理以鯊魚淡煮食之半月後方與少肉雞子豁開淡煮大能養胃却疾也

。產後戒早行房

孫千金曰凡產後滿百日乃可會合不爾至死虛羸百疾滋長慎之凡婦人患風氣臍下虛冷莫不由早行房故也

慎齋按已上五條序產後有飲食起居之戒也新產調理已載大全一條之內而飲食之不節起居之不慎此五者猶所

易犯故再序以示人節戒之意。

。產後病戒用發表一切不可用風藥。

朱丹溪曰產後一切病皆不可發表產後病多是血虛故不可用風藥發表出汗。

。產後戒服黑神散熱藥論

張子和曰婦人產餘之疾皆是敗血惡物發作寒熱臍腹撮痛。食飲稍減醫者不察謂產後氣血俱虛。便用溫熱之劑養血補虛。止作寒治。舉世皆然。豈知婦人之孕如天地孕物。物以陰陽和合而後生。人亦陰陽和合而後孕。偏陰偏陽豈有孕乎。此與

禾黍瓜果之屬何異。水旱不時則華之與寔俱萎落矣。此又婦
孕而不育者何異。七月立秋後十八日寸草不結者天寒故也。
婦人妊娠終十月無難而生。反謂之寒。何不察理之甚也。竊嘗
之治磚者。炎火在下。以水沃窰之顛。遂成磚矣。磚既出窰。頓
寒耶。世俗竟傳黑神散治產後十八證。非徒不愈。經脈閉涸。前
後淋瀝。嘔吐痰嗽。凡百熱證生矣。若此悞死者不可勝計。曷若
四物與涼膈散對停。大作湯劑。下之利以數行。惡物俱盡。後服
甘淡之劑。自愈。

慎齋按。子和以產後不可服熱藥。而以治磚爲喻。夫磚未出

寄其熱爲寔熱。墻旣出窰。則熱爲虛熱矣。胎在腹。當用清熱養血。胎旣產。惡露行而氣血虛。虛則生寒。黑神散固不可多服。久服而任以涼膈散。大黃連。喬之苦寒。則誤矣。矯枉之論。殊未盡善。

。產後戒服黑神散致病論

朱丹溪曰。或問初產之婦。好血已虧。汚血或留。彼黑神散非要藥乎。荅曰。至哉。坤元萬物資生。理之常也。初產之婦。好血未必虧。汚血未必積。臟腑未必寒。何以藥爲。飲食起居。勤加調護。何病之有。誠有汚血體怯而寒。服之或可。若有他病。當求病起。何

因病在何經氣病治氣血病治血寒者溫之熱者清之疑者行
之虛者補之血多者止之何用海制此方例令服餌不恤無病
生病彼黑神散用乾姜當歸之溫熱黑豆之甘熱地之厚以補
血之虛佐以炒蒲黃防出血之多芍藥之酸寒有收有散爲四
藥之助肉桂大辛熱以行滯血和以甘草之緩其取用似乎精
密然驅逐與補益似難同方施治設有性急者形瘦者本有怒
火者夏月坐蓐者時在火令姜桂皆爲禁藥雖是補劑並有偏
損臟腑無寒何處消受必放却去黑神散後富貴之家驕恣之
婦卒有白帶頭風氣痛膈滿痰逆口乾經事不調髮禿體倦皆

是陽盛陰虛之候。天生氣血本自和平。曰盛曰虛。又烏知非此等迷謬。有以兆之耶。

張嘯璜按產婦有稟質瘦熱。素有鬱火積熱。多產冲任血枯。脈澹。一經產後。見枕作痛。粗工膠執古方。妄投肉桂。禍不旋踵。故必嚴寒凍產。風冷兼虛。血瘀不行。方投肉桂。以通行血脈也。

產後戒服五積散論

朱丹溪曰。局方五積散。言治產後餘血作痛。方中以蒼朮爲君。麻黃爲臣。厚朴枳殼必爲佐。雖有芍藥當歸之補血。僅及蒼朮三

分之一。且方中言婦人血氣不調，心腹撮痛，閉而不行，並宜服之。何不思產後之婦，有何寔耶？血氣未充，似難發汗，借曰推陳致新，藥性溫和，豈可借用麻葛與之散，附以蒼木枳殼，虛而又虛，禍不旋踵矣。

。產後用白芍藥宜製妙論

虞天民曰：問婦人產後諸疾，古方多用四物湯，加減而丹溪獨謂芍藥酸寒，伐生發之氣，禁而不用，何歟？曰：新產之婦，血氣俱虛，但存秋冬肅煞之令，少春夏生發之氣，故產後諸病多不利。于寒涼之劑，大宜溫熱之藥，以助資始資生之化源也。先哲制

四物湯以芎歸之辛溫佐以地芍之寒。是寒溫適中。爲婦人諸疾妙劑。若用于產後。必取白芍藥以酒重複製炒去其酸寒之性。但存生血活血之能。胡不可用也。後人傳寫既久。脫去製炒註文。丹溪慮俗醫鹵莽不製而用之。故特舉其爲害之由以戒之耳。

。產後宜用芍藥論

張景岳曰。按丹溪云。芍藥酸寒。大伐發生之氣。產後忌之。此亦言之過也。夫芍藥之寒。不過于生血藥中稍覺其清耳。非若苓連輩之大苦大寒也。使芍藥猶忌如此。則他之更寒者。猶爲不

可用矣。予每見產家過慎。或因太煖。或因年方壯。飲食藥餌。大補過度。以致產後動火。病熱極多。若盡以產後爲虛。必須皆補。豈盡善哉。且芍藥性清微酸。而收最宜于陰氣散失之證。豈不爲產後要藥乎。不可不解也。

。產後戒不可遽用參芪。

單養賢曰。凡產後服生化湯。加入參。須血崩血暈。形色俱脫者。加之。若無虛脫形證。不可加。若有血塊痛甚。不移處。止加紅花肉桂。切不可用參芪。補氣。天人命也。

慎齋按。已上七條。序產後有用藥之戒也。產後病。慎治者多。

用藥之際不可不詳慎。

新產後先消瘀血爲第一義。

葉以潛曰：良方云：產後以去敗血爲先。血滯不快，乃成諸病。夫產後元氣既虧，運行失度，不免瘀血停留。治者必先逐瘀。瘀消然後方可行補。此第一義也。今人一見產後有內虛證，遽用參芪甘溫之劑，以致瘀血攻心而死。慎之。

慎齋按：已上一條，序產後有先消瘀之治也。產後證虛者固多，而虛中見寒，莫如瘀血停滯一證，爲與緊。此條最宜留意。產後不可作諸虛不足治。

張子和曰產後慎不可作諸虛不足治之必變作骨蒸寒熱飲食不入肌膚瘦削經水不行經曰寒則衰飲食熱則消肌肉人病瘦削皆粗工以藥消藥之故也嗚呼人之死者豈爲命乎

慎齋按產後證虛者多寔者少子和以爲慎不可作諸虛不足治是必以攻伐峻厲爲法矣產後而亦可任汗吐下之三法乎趙嗣真嘆子和之書其詞直其義明顧其一不顧其二知言哉

。產後以大補氣血爲主

朱丹溪曰產後有病先固氣血故產後以大補氣血爲主雖有

雜證以末治之

汪石山曰產後百日之內縱有雜證必遵丹溪之法以末治之當大補氣血為主不可攻擊此正論也

。產後先補氣血兼用消散

陳良甫曰產後元氣大脫新血未生概以大補氣血為主如惡露未盡補藥中入行血藥如感冒風寒停滯亦須先補然後發散消導勿得泛用峻厲傷氣血之藥

產後去邪必兼補劑

何松庵曰產後氣血大損諸事必須保重切不可恃健勞碌致

內傷外感六淫七情諸證爲患莫測故產後證先以大補氣血爲主。雖有他證以未治之或欲去邪必兼補劑爲當不宜尚用峻厲再損血氣。

慎齋按已上四條皆治產後有攻補之法也。子和之論尚主攻邪。丹溪之論尚主補虛。兩賢之法各自有見。而丹溪之說爲長。故必合良方正宗二說以參之。乃攸當也。

辨丹溪主末二字卽標本論

虞天民曰或問產後證丹溪云當補大氣血爲主。雖有雜證以未治之。又云產後中風切不可作中風治。用風藥然則產後不

問諸證悉宜大補氣血乎曰詳主末二字其義自明虛而無他證者合宜大補氣血自愈或因虛而感冒風寒者補氣血藥帶驅風之劑或因脾虛而食傷太陰者補氣血藥加消導不劑或因瘀血惡露未盡而惡寒發熱者必先逐去瘀血然後大補經曰有本而標之者有標而本之者又曰急則治標緩則治本丹溪主末二字卽標本之意也

。產後攻補二法辨疑論

葉以潛曰或問產後氣血大虛縱有雜證以未治又謂產後須以去惡露爲主二說孰是不知古人之言各有攸當假如產後

去血過多，有血暈之狀，脈必弦浮大散，乃陰血既亡，陽無所依。宜大劑芎歸，加熟附乾，姜頓服，補虛或有滯血，作痛兼用行血藥。此大補爲本，他證爲末也。若產後三四日餘，瘀卒止，腰腹疼，漸生潮熱，咳嗽脈洪，寔而數，乃是敗血停積，上冲心肺，惡露與血得搏，留結不行，非用行血破氣以消瘀，何以得安。若徒知當爾不當，瀉病必益劇，故產後雖爲不足，亦有有餘之證。不當產後無熱，胎前無虛之說，如胎前惡阻，少食腹脹，二便清滑，經水時下，胎動不安，不用溫補，何以起病。非胎前亦有虛乎。如產後傷寒，熱病煩渴，秘結不用苦寒，何以解利。非產後亦有熱。

乎今人但見產後六脈浮洪弦緊便說有熱不知產後脈與別病脈不全產後洪大是氣血耗散內無存畜故顯是脈如用涼劑殺人反掌不可不知也

慎齋按已上二條序產後辨攻補之法也產後用藥攻補最難調劑虛則補寔則攻其定法也惟虛證而兼寔邪在產後見之者甚多丹溪之論專爲世醫不顧產後大虛惟務攻邪者立誠也豈知守丹溪之法亦不無峻補之害此虞天民葉以潛兩論所宜急玩也

○產後慎藥戒病論

單養賢曰丹溪先生云產後當大補氣血爲主雖有他證以水治之恐人用消耗之劑以虛其虛也予見世醫但知傷食當消氣滿當順惡露常攻不顧產虛達下消耗不知產婦服消耗藥胃氣反傷滿悶益增氣不亦降鬱積既久遂成腫脹危證誰之咎哉予于傷食氣滿證微加消導于補中湯內則脾強而所傷食氣消散助血行氣氣行而惡露自行矣又于悞用消食耗氣下藥以致絕穀日久者先用人參湯送鍋糞粉引開胃口以救絕穀然後漸加補脾藥助以消導又于悞用消耗等藥成脹滿者仍用大補氣血之劑不致夭枉後之學者須遵丹溪方案毋

私心自用以天人命也

○○產後諸證不可誤治論

單養賢曰凡病起于氣血之衰脾胃之弱至產後而虛又甚焉故丹溪論產後當大補已盡醫產之旨若能擴充用藥治產可無過矣產後氣血暴虛諸證乘虛易襲如有氣不行母專耗氣有食不消母專消導有熱不可用芩連有寒不可用桂附用寒涼則血塊停滯用辛熱則新血崩流至若虛中外感見三陽表證似可汗也在產後而用麻黃虛有亡陽之誤見三陰裏證似可下也在產後而用承氣恐致竭陰之患耳斃脇痛乃腎虛惡

露之停休用柴胡譴語汗出乃元弱似邪之證毋加宣導厥由
陽氣之衰難分寒熱非大補不能回陽而起弱瘥因陰血之損
毋論剛柔非滋陰不能活絡而舒經有如下寒乍熱發作有期
證類瘥疾若以瘥論病甚難痊神不守舍言語無倫病似邪侵
如以邪論危亾可待去血多而大便燥結蕤蓉加于生他莫投
潤下之湯汗出甚而小便短澁六君倍用參芪更加生津之劑
人參生化湯類灌可救產後之虛危長生活命丹屢用能甦絕
穀之人脫肛久瀉多是血虛下陷補中益氣正宜口噤筋攣乃
因血燥頰風加人參生地爲最產戶入風而痛甚服宜羌活養

藥方玉門傷冷而不閉先須床兜茶碗因氣而滿悶中虛生化湯加木香爲佐因食而嘔酸惡食六君子加神曲爲良蘇木稜蓬大能破血青皮殼實最惡虛中一切耗氣破血之劑汗吐下之策可施少壯之人豈宜胎產之婦大抵新產之婦先問惡露何如塊痛未除不可遽加參朮腹疼若止補中益氣無疑至若汗出亡陽氣虛喘促頻用加參生化湯固是從權如因大熱陰虛血崩厥暈速煎生化原方乃爲救急言雖未能盡證大略如斯而已

慎齋按已上二條序產後用藥之失而有悞治之戒也

產後證先調脾胃

婦人良方曰：新產之後，雖無疾，宜將息調理脾胃。進美飲食，則臟腑易平復。氣血自然和調，百疾不生也。加味四君子湯，四順理中丸，百日之內，宜常服之。

產後服生化湯論

產賢新書曰：產後氣血暴虛，理當大補。但惡露未盡，用補恐致滯血。惟生化湯行中有補，能生又能化，真萬全之劑也。如血物湯產後，誤人多矣。地黃性滯，白芍酸寒，伐生氣。生化湯除此二味，加以溫中行血之劑，如產後見枕作痛，世多用消塊散血之

劑然後議補。又有消與補混施，不知舊血雖當消化，新血亦當生養。若專攻舊則新血轉傷，世以回生丹治產，用攻血塊，下胞衣，落死胎，雖見速効，其元氣未免虧損。生化湯因藥性功用而立名也。產後血塊當消，而新血亦當生。若專用消則新血不生，專用生則舊血反滯。考諸藥性，多芎歸桃仁三味善攻舊血，驟生新血，佐以黑姜炙草引三味入于肺肝，生血利氣。五味其方行中有補，寔產後聖藥也。

產婦胞衣一破，速煎一帖，候兒頭下地，卽服，不拘半產正產，雖平安少壯婦，無恙者，俱宜服一二帖，以消血塊而生新血。

自無血暈之患。若胎前素弱，至產後見危證，不厭煩服，病退即止。若照常日服一帖，豈能扶將絕之氣血也。如血塊痛加肉桂三分，紅花三分，益母草五錢。如產後勞甚，血崩形色虛脫，加入參三四錢。如汗出氣促，人參倍加。

慎齋按：生化湯一方，載之產寶新書。凡產後一切證，俱以是方爲加減，頗穩當。可法故錄之。與婦人良方所載用加味四君子四順理中一治產證一治脾胃可並參之。

產後胞衣不下，屬冷乘血溢。

大全曰：兒產出，胞衣不落，謂之息胞。由初產時用力，兒出體已

方不系編 卷三
疲憊不復能用，小產胞經停之間，外冷乘之，則血道澁，故胞衣不出，急以藥治之，庶不妨害于兒。所奈胞系連臍帶，胞不下，即不得以時斷臍，浴洗冷氣傷兒成病。舊法胞衣不出，恐損兒，依法截臍而已。

產後胞衣不下屬血入胞中

郭稽中曰：胎衣不下者，何曰？母生子訖，流血入衣中，衣爲血所脹，故不得下。治稍緩，脹滿腹中，上冲心胸，疼痛喘急者，難治。服奪命丹，逐去衣中之血，血散脹消，胞衣自下。牛膝湯亦効。

產後胞衣不下有虛寔之分

薛立齋曰。胞衣不下。有二。有因惡露入衣服而不能出。有因元氣虧損。虛而不能出。惡露流入衣中者。腹必脹痛。用奪命丹。或失笑散。以消瘀血。緩則不救。元氣虛弱不能送下者。腹中不脹痛。用保生無憂生散。以固元氣。

產後胞衣不下急斷臍帶法

寶慶方曰。婦人百病莫甚于生產。產科之難。臨產莫重于催生。既產莫甚于胞衣不下。惟有花蕊石散一藥。最爲緊要。更有一法。產訖。胞衣不下。停久。非特產母疲倦。又血流胞中。必致危篤。宜急斷臍帶。以物繫。墜使血不潮入胞中。則胞衣自蜷縮而下。

只要產母安心，以物繫墜之時，宜用心先繫，然後截斷，不爾胞上掩心而死，慎之。

慎齋按：已上四條，序產後有胞衣不下之證也。胞衣不下有冷乘血疑有血流，衣服有元氣虛脫三證。當分因用藥急治。如天冬嚴寒風冷乘虛而入胞冷血凝而不下，則當用奪命丹、牛膝散、桂附熱藥以下之。如血入胞衣服滿惡露不下，則當用失笑散、花蕊石散、逐血消瘀藥以下之。若元氣弱氣血虧損不能下，則當用無憂散、生化湯以溫補之。寒熱虛寒之際不可不詳審施治也。

產後血暈屬敗血流入肝血熱逆上

大全曰產後血暈者由敗血流入肝經眼生黑花頭目旋暈不能起坐昏悶不省人事謂之血暈此血熱乘虛逆上湊心故昏迷不省氣閉欲絕也服童便最好

產後血暈屬瘀血奔心虛火炎上

陳良甫曰產後瘀血奔心因分娩後不飲童便以致虛火炎上也用鹿角燒灰童便調下卽醒此物行血極効又用五靈脂半生半熟名獨行散又用返魂丹卽益母丸也

產後血暈屬惡露乘虛上攻

家居醫錄曰產後元氣虧損惡露乘虛上攻眼花頭暈或心下
滿悶神昏口噤或痰壅盛急用失笑散主之若血下多而暈或
神昏煩亂大劑芎歸湯補之加重便

慎齋按已上三條序產後血暈之屬有餘也敗血入肝惡露
上攻此瘀血爲患當用行血逐瘀之藥

○○○產後血暈屬陰血暴亡心虛火炎

李東垣曰婦人分媿昏暈目因陰血暴亡心神無所養心與
包絡君火相火也得血則安亡血則危火上熾故令人昏冒火
乘肺故瞋目不省人事是陰血暴亡不能鎮撫也經云病氣不

足○宜○補○不○宜○瀉○。○暝○目○合○眼○病○悉○屬○陰○暴○去○有○形○之○血○則○火○上○熾○。○但○補○其○血○則○神○自○安○心○得○血○則○能○養○而○神○不○昏○逆○矣○。

產後血暈屬血隨氣上

郭○稽○中○曰○產○後○血○帶○者○何○曰○產○後○氣○血○暴○虛○未○得○安○靜○血○隨○氣○上○逆○亂○心○神○故○眼○前○生○花○或○悶○絕○不○省○口○噤○神○脫○但○服○清○魂○散○即○醒○。

產後血暈屬虛火載血上升腹中空虛所致

朱○丹○溪○曰○婦○人○產○役○血○暈○乃○虛○火○載○血○漸○漸○上○暈○也○。○又○崔○氏○云○凡○暈○皆○是○虛○熱○血○氣○奔○送○腹○中○空○虛○所○致○。

慎齋按已上三條序產後血暈之屬于不足也陰血暴亡虛火上升皆由腹中空虛所致當用補血滋陰降火之藥但恐陰不可用地芍降火不可用苦寒

產後血暈分下血多少治法

陳良甫曰產後血暈其由有三有使力過多而暈有下血多而暈有下血少而暈其暈雖同治之則異如下血多而暈者但昏悶煩亂當以補血清心藥如下血少而暈者多惡露不下上搶于心心下滿急神昏不省當以破血行血藥

按下血多而暈名爲血脫當大劑人參可以回陽何云補血

又加清心。若下血少而暈非血滯卽屬血竭。未便以破血行血爲妄投也。良甫晰證最明治法尤未盡善。

產後血暈用醋漆法

崔氏曰：產婦分娩訖，將秤錘或黃石子入炭中燒令通赤，置器中于床前，以醋沃之，可除血暈。時作爲佳。或先取礬醋以塗口鼻，仍置醋于傍，淬火炭使聞其氣，又一法燒乾漆令烟熏產母之面，卽醒如無乾漆，舊漆器燒烟亦妙。

慎齋按：已上二條序產後血暈分血之多少而用治法也。產後血暈總屬陰血暴亡，虛火上炎所致。夫心主血，肝藏血，肝

虛則魂無所附而目暈心虛則神不守而火乘東垣丹溪已
悉病機之要若良甫又分血下多少爲治如云惡露不下上
搶心而暈此在壯寔婦人新產下恒有此患當用行血破血
之劑若氣血虛弱人血脫過多當大補氣血爲主如大劑芎
藭湯生化湯加人參服之可也

產後惡露不下屬風冷乘虛搏血

大全曰惡露不下由產後臟腑勞傷氣血虛損或胞絡挾于宿
冷或產後當風取涼風冷乘虛而搏于血壅滯不宜積畜在內
故不下也

立齋按前證若惡露不下用失笑散氣滯血凝用花蕊石散
慎齋按已上一條序產後惡露不下之證也彭用光有云凡
看產後病須問惡露多少有無此要語也夫新產惡露屬養
胎餘血雜濁漿水兒既產如氣血旺者惡露隨之而下如氣
血弱者阻滯小腹爲病上攻則爲血暈悶絕蓄瘀則爲兒枕
痛心腹痛癥瘕積聚四肢腫滿血鼓諸證大全以風冷乘虛
搏血不宣所致此在秋冬寒月多有犯之但大全既云風冷
搏血矣何療三四日惡露不下方中獨加芍藥知母廣濟方
內更用大黃芍藥生地汁夫以寒藥治寒凝之血有是理乎

準繩獨首載之不可解

產後惡露不絕屬虛損臟腑挾冷

大全曰產後惡露不絕由產後傷于經血虛損不足或分娩之時惡血不盡在于腹中臟腑挾于宿冷致氣血不調故令惡露淋瀝不絕也

○產後惡露不止屬血滯不化

戴復庵曰婦人服固胎藥太多或正產或半產胎雖下而惡血不去或經二三月惡露猶點滴不盡此非敗血之比正緣當來有固經藥在內致血滯不化藥宜順血通氣不宜蓄血閉氣也

產後惡露不絕屬肝脾經病

薛立齋曰。前證若肝氣熱不能生血。六味丸。若肝氣虛不能藏血。逍遙散。若脾氣虛不能攝血。六君子湯。胃氣下陷不能統血。補中湯。若脾經鬱熱血不歸源。加味歸脾湯。若脾經怒火血妄行。加味四物湯。若氣血兩虛十全大補湯。若肝經風邪其血沸騰一味防風丸。

慎齋按已上三條。序產後有惡露不絕之證也。婦人產下其血不止。大約一月爲期。如不及一月而止者。氣血虛也。如踰一月二月而淋瀝不絕。非氣虛不能攝血。卽立齋所論肝脾

二經有虧。大全云。經血虛損不足是矣。又主于臟腑挾宿冷。所致。夫血得熱則行。得冷則凝。豈惡露不絕。反爲寒冷。致病之理。立齋以爲肝脾鬱熱。怒火。此誠善悉病機者也。但產後血脫。當用益氣升提之法。如千金方治惡露不絕。經月半處。用一味升麻酒煎服。正是此意。至下多亡陰。則有寒無熱。姜桂亦所宜用。臨證審之。

產後頭痛屬陽寔陰虛

大全曰。頭者諸陽之會也。產後五臟皆虛。胃氣虧弱。飲食不充。穀氣尚乏。令虛熱陽氣不守。上湊于頭。陽寔陰虛。則令頭痛。又

有產後敗血頭痛不可不知

薛立齋曰前證若中風虛補中湯加蔓荊若血虛四物加參木氣血俱虛八珍湯若風寒所傷補中湯倍加川芎

產後頭痛屬風寒用生化湯

單養賢曰產後頭痛身熱惡寒雖是感冒風寒只宜服生化湯一二服慎不可用柴胡麻黃等藥以表虛其汗劑中川芎乾姜其味辛溫亦能散邪退熱如頭痛不解加連翹葱曰三枚

德齋按已上二條序產後有頭痛之證也頭痛有三陽三陰經之分屬風寒外感者居多若產後頭痛雖有風寒而本之

血虛者其病原也。惟大劑芍歸養血。血行則風自滅。若立齋以補中湯。倍川芎。此是治氣虛頭痛爲宜。至汚血頭痛。產後恒有。若用黑龍丹下蛭虫。子此又病機之不可測者矣。

產後心痛屬虛寒血凝不散

產寶百問曰。心者血之主。產後虛寒血凝不散。氣逆上冲。子心以溫熱治之。寒去則血脈溫。而經脈通。大岩蜜湯主之。四物去川芎。加獨活。吳茱。乾姜。細辛。桂心。甘草。

產後心痛屬陰虧火冲包絡

大全曰。產後心痛爲陰血虧損。隨火上冲。心絡名曰心包絡痛。

宜大岩蜜湯治之。若寒傷心經，名曰真心痛，無藥可救。

產後心痛屬寒氣上攻

單養賢曰：產後寒氣上攻則心痛，下攻則腹痛。兼血塊者，宜服生化湯加桂，未止加吳茱萸、姜三片助血。若獨用諸熱藥攻寒，其痛難止，其血未免來多，以虛產母也。

產後心痛屬血虛

薛立齋曰：前證若陽氣虛寒，岩蜜湯溫之。瘀血上冲，失笑散行之。血既散而痛仍作，八珍湯補之。大凡心腹作痛，以手按之，不痛，此血虛也，須用補養之劑。

慎齋按已上四條。序產後有心痛之證也。心痛在產後。非血
虛火逆。卽寒凝傷血。產寶用岩蜜湯。治虛寒血凝。則得矣。若
大全火冲心包絡。而亦用岩蜜湯治之。豈熱藥從治之意。能
無助邪爲患。至有產後殺血心痛。亦屬惡露不盡。如陳無擇
評大岩蜜湯下云。產後心痛。雖非產後常疾。痛或有九。未必
便是血痛。設是岩蜜湯。豈可用熟地泥血。安能去痛。以此湯
治血痛。不若失笑散更捷。予謂產後心痛。屬血者多。但有寒
熱虛實不全。若云未必便是血痛。則非矣。

產後腹痛屬腹有乾血

金匱要略曰產後腹痛法當以枳實芍藥散假令不愈此爲腹
中○有○乾○血○着○臍○下○宜○下○瘀○血○湯○主○之

產後腹痛屬餘血壅滯

大全曰產後惡血雖常通行或因外感五邪內傷七氣致令斬
然○而○止○餘○血○壅○滯○所○下○不○盡○故○令○腹○痛○當○審○因○治○之

○產後腹痛屬傷食畏血

土節齋曰假如產後朝數內或飲食如常忽作腹痛六脈沉伏
四○肢○厥○冷○此○惡○露○不○盡○傷○食○畏○血○而○脈○不○起○也○不○可○誤○認○爲○氣
血○兩○虛○用○大○補○劑○須○用○消○導○行○血○之○藥

產後腹痛屬氣弱阻寒

金匱要略曰產後腹中疝痛當歸生薑羊肉湯主之

註曰疝痛者緩緩痛也概屬客寒相阻故以當歸通血分之滯生薑行氣分之寒君以羊肉者所謂形不足補以味羊肉補氣疝痛屬氣弱故宜之

產後腹痛屬冷氣乘虛入產門

寇宗奭曰婦人產當寒月寒氣入產門臍下脹滿手不得犯此寒疝也醫將治以抵當湯謂有瘀血也予教之曰非其治也可張仲景羊肉湯又產後六七日忽然臍腹瀉皆由呼吸之間使

冷氣乘虛而入宜服當歸建中湯四項理中丸

慎齋按產後有下血過多沖任空虛肝經血少而腹痛脈弦者以熟地山茱爲主加白芍藥木瓜蕪荜一劑有難產久坐風入胞門而腹痛欲絕脈浮而弦續斷一兩防風五錢服之立愈一虛一實不可不辨

產後腹痛分證用藥法

家居醫錄曰產後腹痛惡露既去而仍痛四神散調補之不應八珍湯若痛而惡心或欲作嘔六君子湯若痛而泄瀉六君子湯送四神丸若胸膈飽悶或惡食吞酸或腹痛手不可按此是

飲食所湯用二陳加白朮山查消導之若食既消而仍痛或按之不痛或更加頭痛煩熱作渴惡寒欲嘔等證此是中氣被傷宜補脾胃爲主若發熱腹痛按之痛甚不惡食吞酸此是瘀血停滯失笑散消之若止是發熱頭痛或兼腹痛按之却不痛此是血虛用四物加炮姜參朮以補之

產後血塊腹痛戒用峻厲藥

產寶新書曰產後血塊痛用生化湯加肉桂紅花塊散痛止慎不可用蘇木三稜蓬朮等峻利之藥雖山查行氣行血亦不宜服恐虛產母也

慎齋按已上七條序產後有腹痛之證也產後腹痛有虛實之分實者有惡露不盡有乾血瘀滯有食傷發血虛者有氣弱寒阻有血虛空痛自當審因施治在虛者固宜補氣補血而實者亦未可以峻厲剋伐重虛其虛也

產後小腹痛屬惡露凝結

產寶百問曰產後小腹痛由惡露凝結或外寒搏之若久而不散必成血瘕月水不調

產後小腹痛屬血滯名兒枕痛

大全曰兒枕者由母胎中宿有血塊因產時其血破敗與兒俱

下則無患。若產婦臧腑風冷，使血凝滯在小腹，不能流通，令結
其疼痛，名曰兒枕痛。胎以食母之血，十月滿足，餘血結成塊，俗
呼爲兒枕。欲產時，血塊先動，敗血裹其子，是以難產。

產後小腹痛屬瘀血停滯骨疽證

薛立齋曰：有產婦小腹作痛，服行氣破血藥不効，脈洪數，此瘀
血內漬爲膿也。大抵此證，因榮衛不調，瘀血停滯，宜急治之。緩
則腐化爲膿，最難治療。若流注關節，則患骨疽，失治多爲敗證。
脈數而洪，已有膿，遲緊乃瘀血也。下之愈。若腹脹大，轉側作水
聲，或膿從臍出，或從大便出，宜蠟礬丸、太乙膏，或瓜子仁湯下。

膿而愈

產後臍下痛作惡露不盡論

單養賢曰。產後臍下痛在七日內。未曾服藥者。當作惡露不盡論。如按而痛止者。屬虛。加味生化湯。

慎齋按。已上四條。序產後有小腹痛之證也。產後小腹痛。非惡露瘀。即風寒乘襲。小腹爲足厥陰部分。藏血之所。見產後一有不慎。則風寒乘虛。與惡血凝結。即有兒枕痛之名。若瘀血潰膿。亦不早治之故也。臨證宜慮及之。

產後腰痛屬血滯經絡

一才系系 一陽分三
六全曰產後惡露方行忽然漸止斷絕不來腰中重痛下注兩
股痛如錐刺入骨此由血滯經絡不即通之必作瘰疽宜桃仁
湯五香連喬湯

慎齋按產後惡露不行血滯經絡而作瘰疽必是血氣大虛
榮衛不調所致必八珍十全可療用桃仁五香則謬矣

產後腰痛屬勞傷腎氣風冷乘虛

大全曰腎主腰脚產後腰痛者腎爲胞胎所係產則勞傷腎氣
損動胞絡虛未平復風冷客之冷氣乘腰故令腰痛若寒冷邪
氣連滯背脊痛久未已後忽有娠必致損動胞絡屬腎腎主

腰故也。

。產後腰痛屬真氣虛

薛立齋曰前證真氣虛邪乘之用當歸黃芪湯或十全湯為主佐以寄生湯不應十全湯加附子

慎齋按已上三條序產後有腰痛之證也。胞胎繫于腎腰者腎之外候產後勞傷腎氣損動胞絡屬虛者居多。雖有風冷滯血亦必兼補真氣為要。立齋一條挾其旨矣。

產後脇痛屬氣與水相激

大全曰產後兩脇脹滿氣痛由膀胱宿有停水因產後惡露下

不盡水壅痞與氣相搏積在膀胱故令脇肋脹滿氣與水相激故令痛也

產後脇痛分證用藥之法

薛立齋曰此證若肝經血瘀玄胡索散若肝經氣虛四君子加柴胡青皮若肝經血虛四物加參朮柴胡若腎水不足不能生肝六味丸若肺金勢盛剋制肝木瀉白散仍參前證治之此證苟非用姜桂辛溫助脾肺以行藥不惟無以施功而反助其脹矣

滇齋按已上二條序產後有脇痛之證也脇者肝

藏血產後惡露不盡。與去血過多均足以致脇痛。未必屬于水氣相滅。必參立齋一條始攸當爾。

產後遍身疼痛屬血氣失其常度

郭稽中曰。產後遍身疼痛者。何曰。因產走動氣血。升降失其常度。留滯關節。筋脈引急。是以遍身疼痛。甚則腰背強硬。不能俯仰。手足拘攣。不能屈伸。或身熱頭暈。不可作他病。但服趁痛散。循流血氣。使筋脈舒暢。疼痛自止。

陳無釋曰。趁痛散不特治產後血弱血滯。兼能治太陽經感風頭痛。腰背疼。白汗發熱。若感寒傷食。變恐驚怒。皆致身疼。

發熱頭痛，況有勞勞諸證，尤甚。趁痛皆不能療，不若五積散，又醋煎用，却不妨。

立齋按五積散，治產後身痛，兼感寒傷食。若氣虛血弱人，似非所宜。如手按而痛，是血瘀滯也。用四物炮姜桃仁紅花澤蘭補散之，按而痛稍緩者，血虛也。四物加參朮炮姜補養之。慎齋按已上一條，序產後有遍身疼痛證也。產後百節開張，血脈流散，曰遍身。則自筋骨皮肉手足胸腹腰背無處不痛。大全以爲血滯經絡，似屬有餘。然去血過多，而風寒襲之，亦爲疼痛。故趁痛散爲的對藥，無擇乃云不能療，不若五積

散殊未確也。

產後血塊築痛屬風冷凝血

楊仁齋曰：此因產後起血未盡所致。世俗收生多就踏板起血，不思生產時已坐草近地，產畢臟腑空虛，又近地起血冷溼風邪乘虛而入，使敗血凝爲血塊，足謂母血冲築硬痛。治法以不換金正氣散，加辣桂蓬朮乾姜川芎白芷熱服散其冷溼風邪，從二便出。

產後積聚屬氣血爲風冷所搏

陳良甫曰：積者陰氣也。五臟所生聚者陽氣也。六腑所成然積

爲陰陰性沉伏故痛不離其部聚爲陽陽性浮動故痛無常處皆由產後氣血虛弱風冷所乘搏于臟腑與血氣相結故成積聚癥塊也。

產後腹痛屬風冷搏血

大全曰新產後有血與氣相搏而痛者謂之癢癢者假也謂其痛浮假無定處也此由風有風冷血氣不調至產血下少故致此病不急治多成積結妨害月水

產後寒氣入腹名寒疝

八良方曰產後寒氣入腹硬築臍下刺痛此名曰寒疝當用

炒吳茱萸若誤認爲惡露不盡小腹畜血則謬矣

產後有血損筋攣之證

薛立齋曰有產嬾腹中有一物時痛不止以爲血瘀用行血破氣藥兩脇肚腹尤甚支節間各結小核隱于肉裏以爲贅子方用下虫藥夫肝藏血而養諸筋此肝血虛損筋涸而攣結耳肢節胸項皆屬肝胆部分養其脾土補水以滋肝血則筋自舒八珍湯逍遙散歸脾湯加減治之

產後氣血壅結宜固元氣

薛立齋曰凡真氣虧損則邪氣乘之况產得此尤當固元氣爲

主若求旦夕之効而攻邪則速其危矣如寒邪乘客氣血壅結此因氣病而血病也當補養胃氣調和月經寬緩靜養爲善

慎齋按已上六條序產後有血塊積聚痕痲筋攣諸證也產後惡血不盡氣血虛而風寒乘襲則血凝氣滯遂爲血塊痕痲等證若用破血耗氣之劑以攻有形之邪禍不旋踵故以立齋固元氣一條序後示人求本之道也

產後口乾痞悶屬麩毒聚胃

郭稽中曰問產口乾痞悶者何荅曰產後榮衛太虛血氣未定麩毒太早胃不能消化麩毒聚于胃上熏胸中是以口乾燥

渴心下痞悶醫者不識認爲胸膈壅滯以藥下之萬不得已但服見睨丸則愈

陳無擇曰產後口乾痞悶未必只因食麩或產母內積憂煩外傷燥熱飲食甘肥使口乾痞悶當隨所因調之可也

產後傷食停滯分證用藥法

薛立齋曰前證若宿食停滯六君子加枳實神曲若因肉食加由查若因魚鱸加陳皮其物既消而仍痞或反作痛作嘔此脾胃受傷六君子或蒸酸暖腐加炮姜作瀉加升麻不應佐四神元或間用補中湯

慎齋按已上二條序產後有傷食之證也。產後氣血已虛，胃中元氣甚弱。凡飲食偶有所傷，必難運化而成痞悶。誠不止麪毒也。但北方以麪爲飯，南方風俗三朝洗兒，有食麪之例。產婦恃健，傷之者多。此稽中舉此爲言也。故丹溪教新產嬾食白粥，并戒食雞子，正以虛人易致停滯故耳。

產後腹脹嘔吐屬敗血入脾胃

郭稽中曰：產後腹脹滿悶，嘔吐不定者，何曰敗血散于脾胃，脾胃受之，則不能運化精微而成腹脹。胃受之，則不能受納水穀而生吐逆。醫者不識，若以尋常治脹止吐藥，病與藥不相于，轉傷

動正氣。疾愈難胎。但服抵聖湯則愈。

產後腹脹嘔吐屬飲食傷脾胃

薛立齋曰。前證若敗血傷脾胃。宜用前方。若飲食停脾。宜六君子加厚朴。若飲食傷胃。宜六君子湯。大抵損其脾者。當節飲食。爲善。

慎齋按。已上二條。序產後有腹脹嘔吐之證也。產後腹脹嘔吐。未有不因脾胃虛弱所致。郭論則主于敗血。薛論則主于傷食。食與血均屬有餘。證攻補合宜。是在臨證之工耳。

產後嘔吐屬腸胃燥澀氣逆

大全曰胃為水穀之海。水穀之精以為血氣榮潤臟腑。因產則臟腑傷動。有時而氣獨盛。氣乘腸胃。腸胃燥澁。其氣則逆。故嘔逆不下食。

產後嘔逆屬惡露不下

郭稽中曰。胃受水穀。脾主運化。生血生氣。內濡臟腑。曰產暴虛。惡露不下。敗血乘虛散于脾胃。脾受之為腹脹。胃受之為嘔吐。亦有惡露過多。氣無所主。聚于脾胃。脾受之亦為腹脹。胃受之亦為吐逆也。

產後嘔吐屬脾胃病分證用藥

薛立齋曰。產後嘔吐。因飲食過多者。六君子加查曲。兼勞役者。補中湯。因飲食停滯者。八參養胃湯。脾胃氣虛者。六君子。胃氣虛寒者。加炮姜。木香。寒水侮土者。益黃散。肝木侮土者。六君子加升柴。命門火衰不能生上者。八味丸。嘔吐泄瀉手足俱冷。或肚腹作痛。乃陽氣虛寒。急用附子理中。

慎齋按。已上三條。序產後有嘔吐之證也。嘔吐爲中焦病。產後氣血大虧。則中氣不運。爲飲食所傷而嘔吐者多。若大全主于燥。滋氣逆。稽中主于惡露不下。此在新產三四朝內。庸有之病機。不可不審。

產後呃逆屬脾虛聚冷胃中伏寒

大全曰。肺主氣。五臟六腑。俱稟于氣。產後氣血傷。臟腑皆損。風冷搏于氣。則氣逆上。又脾虛聚冷。胃中伏寒。因食熱物。冷熱之氣相爲衝擊。使氣厥不順。則爲呃逆。脾主中焦。爲三焦之關。五臟之倉廩。貯積水穀。若陰陽氣虛。使榮衛之氣厥逆。致生斯病。經云。呃噫者。胃寒所生。服藥無効。灸期穴三壯。必愈。

產後呃逆分證用藥法

薛立齋曰。前證屬胃氣虛寒之惡候。如用丁香散未應。急投參附湯。亦有生者。若產後呃逆。有寒熱虛實之不全。如寒者。丁香

姜桂熱者宜乾柿竹茹虛者宜人參附子實者宜香附橘皮
施則有盛臍之悔

慎齋按已上二條序產後有呃逆之證也。經云病深者其聲
噦噦卽呃逆也。諸病見之爲惡候。况產後犯此有虛無實有
寒無熱矣。立齋必兼熱實論殊謬。若古方治產後呃逆又兼
敗血瘀停胃逆用丁香豆蔻散煎桃仁吳茱湯下之。病機又
不可不知

產後氣喘屬敗血停凝上熏于肺

郭稽中曰產後惡露不快敗血停凝上熏于肺亦令喘急但

奪命丹血去而喘自定。又產後敗血冲心胸滿上喘命在須臾，
脈血竭散或參蘇飲治產後血入于肺，面黑發喘欲死，人參一
兩，蘇木二兩。

產後發喘屬汚血感寒

婁全善曰：產後喘者多矣。有產二月，洗浴卽氣喘坐不得卧者，
九月惡風得暖稍緩，用丹皮、桃仁、桂枝、茯苓、乾姜、枳實、厚朴、桑
皮、紫蘇、五味、瓜婁煎服，卽卧。其痰如失，作汚血感寒治也。

產後氣喘屬孤陽絕陰

和稽中曰：產後喉中氣急喘促者，何者曰：榮者血也，衛者氣也。

榮行脈中。衛行脈外。相隨上不謂之榮衛。因產所下過多。榮血暴竭。衛氣無主。獨聚肺中。故令喘。此名孤陽絕陰。爲難治。

產後發喘不可誤藥

單養賢曰。產後發喘氣促。此第一危證也。世每以痰火實證治之。訛以傳訛。當以人參生化湯加減。人多疑參能助喘。不用致不救者多矣。加芎歸在內。萬無有失。有用參加陳皮監制。反致甚散。切不可信。

慎齋按。已上四條。序產後有發喘之證也。產後發喘。有虛實之分。敗血入肺。汚血感寒。此屬于實也。參蘇飲。奪命丹。血竭。

散下之而愈。若去血過多。榮血暴竭。衛氣無主。孤陽上浮。此血脫而氣不歸元也。非大劑人參生脈散。與生化湯加桂附。莫療。誤以風痰汚血爲治。是速之斃矣。觀立齋治產後喘急。謂脾肺氣弱。用六君子。中氣虛寒。用補中湯。加姜桂。更有陽氣虛脫。喘促自汗。手足俱冷。以參附湯大劑服之。論誠知本也。